



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 16. S. Genovefæ Initia.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Seculum V.
A. C. 430.

§. XVI.

S. Genovevæ initia.

Const. vit. S. Sancti Germanus, & Lupus in Mag-
Germ. c. 20. nam Britanniam iter facientes, Nan-
v. S. Genov. terram, oppidum haud procul Parisiis
ap. Sur. 3. situm, pervenere. Incolæ, sanctorum
Jan. virorum fama exciti, turmatim obviam
processere. S. Germanus sermonem ad
populi hujus frequentiam pronuntiavit,
tum circumspiciens in tanta hominum
multitudine, vidit a longe puellam, quam
cœleste quidpiam ambiebat. Advocat,
nomen, & Parentes exquirat, responde-
tur, vocari Genovevam; simul Pater ejus
Severus, & Mater Gerontia accedunt.
S. Germanus, gratulatus, quod eximie
spei filiam haberent, prædixit, eam ali-
quando viris etiam pietatis exemplum fo-
re. Hortabatur, ut sibi secreta cordis
sui panderet, & an vellet, Virginitatem
suam Deo consecrare? respondit, id sibi
propositum, rogavitque Episcopum, ut
sibi solemnem Virginum Benedictionem
tribueret. In Ecclesiam ad preces horæ
nonæ ingrediuntur, cantantur plures
Psalmi, longæ preces recitantur, inter
quas S. Episcopus manum dextram, puel-
læ capiti impositam tenebat. Tum ad
refectionem digrediens, parentibus man-
davit, ut sibi crastina die eam adducerent.
Ipsis altera die cum filia redeuntibus, S.
Germa-

Germanus S. Genovevam interrogavit, ^{Sæculum V.}
 an rei illius, quam pridie promiserat, ^{A. C. 430.}
 meminisset? *memini*, respondit: *& per*
Dei auxilium, & tuas preces, quæ pro-
misi, observaturam me spero. Tunc au-
 tem vir Sanctus, terram aspiciens, vidit
 jacentem monetam cupream, signo Cru-
 cis notatam; sustulit, & tradens eam Ge-
 novevæ, dixit: *hanc mei amore serva,*
semper e collo pendulam pro omni muliebrî
cultu gesta; aurum, & gemmas illis re-
linque, quæ Mundo serviunt. Tandem
 cum satis mandasset parentibus, ut cu-
 ram filiæ gererent, iter profecutus est.

S. Genoveva tunc forte annum æta-
 tis decimum quintum agebat, nam lit-
 teris de ea consignatum legimus, quod
 ab ea ætate bis tantummodo in septima-
 na cibum sumpserit, Die Dominica, &
 Die Jovis; nec quidquam aliud, quam
 panem hordeaceum, & fabas comede-
 bat; vinum nunquam, aut potum quo
 inebriari potuisset, gustavit. Non post
 multos dies, ex quo S. Germanus abie-
 rat, cum Mater, die quodam festo in Ec-
 clesiam ire volentem, retinere non pos-
 set, malam filiæ percussit; illico lumine
 orbata, annos duos cæca fuit. Tandem
 illarum rerum recordata, quæ S. Germa-
 nus vaticinatus fuerat, iussit filiam sibi
 ex puteo aquam afferre, & signum cru-
 cis super se formare; ubi S. Genoveva

Hist. Eccles. Tom. VI.

D

ocu-

Sæculum V. A. C. 430. oculos matris lavit, tenue lumen rediit
& postquam bis, terve eadem aqua de-
terisit, clare omnia vidit. Hodieque pu-
teus, cui magnam venerationem habent,
peregrinantibus ostendunt.

§. XVII.

SS. Germanus, & Lupus Pelagianorum victores.

Const. V. 8. *Germ. c. 22.* *vit. S. Lup.* *Sur. 29.* *Jul.* Sanctus Germanus, & S. Lupus hyber-
no tempore navigatione suscepta,
valida procella jactati sunt; cum vero
S. Germanus aliquot olei guttas in No-
mine Trinitatis in mare effudisset, tran-
quillitas reducta est. Ubi Britannia
oram tenuerunt, magna hominum mul-
titudine excepti fuere, quippe eorum
adventum maligni Spiritus prædixerant;
hi deinde a viris Sanctis obsessis corpori-
bus pulsi, egredientes fatebantur, a se
tempestatem fuisse excitatam. Brevi tem-
pore viri Sancti Britanniam sua Doctrina,
& fama impleverunt; non in Ecclesiis
modo, sed & in campis, & viis publicis
prædicabant, quod populi multitudinem
ædes non caperent. Ubique Catholici
confirmabantur, & convertebantur Hæ-
retici. Virorum istorum omnis habitus,
pietas, Doctrina, miracula veros Apo-
stolos referebant. Pelagiani primum la-
tebras quærere, tandem pudorem non fe-
rentes, quod suo se silentio damnarent,

ad